

P. 689, L. 6【聞皆歡喜】《法華經大成》卷 8：「菩薩苦行多端。願於多中少分說一二事也。八部得懸記。他土願弘經。聲聞得記。發起願樂。故聞皆歡喜也。不言地涌。本門所化。知之不言。觀音文殊。影響大化。不在此例。分身從來者。各還本土故。」(X32,p.518a1-4)

P. 689, L. -6【意在苦行】《法華經授手》卷 9：「據當機請詞。已知藥王有若干苦行。必難具說。今請世尊。於難說中。說其少分。使此方他方一切會眾。聞而歡喜必倣風行之。以持此經也。」(X32,p.792a4-6)

P. 689, L. -1【大菩薩、大聲聞】《說無垢稱經疏》卷 1：「大有五義：一名稱大，大眾大人所知識故。二位次大，皆住聖果，非凡位故。三功德大，或諸漏盡，證智斷故。四修行大，求大菩提，修廣業故。五徒眾大。」(T38,p.1007b3-7)

P. 689, L. -1【菩薩壽命亦等】《法華經授手》卷 9：「此敘大小乘法屬。然壽等如來。而獨謂菩薩者。要知皆是補處位人。其日月淨明之德。亦具矣。」(X32,p.792a14-15)

P. 690, L. 1【地獄、餓鬼、畜生、阿修羅】「四惡道」：又作四惡趣。即眾生以造作惡業而受生的苦難世界。《法華經》卷三〈授記品 6〉說大迦旃延於當來世成佛的國土中，「無四惡道：地獄、餓鬼、畜生、阿修羅道。」(本書 p. 364) 又《隨相論》、《解脫道論》卷四等也都提及四惡趣。~《中華佛教百科全書》

P. 690, L. 1【地平如掌等】《法華經授手》卷 9：「此敘依報莊嚴。女人為污染之緣。佛既名淨明。宜其無女人也。三途為愚痴覆慧。佛既名日月淨。故無三途苦處也。修羅等以嗔毒為因。佛既名淨德。所以無修羅與諸難也。地以琉璃。而平如掌者。為淨德而成也。樹即智行。臺即理觀。寶帳以表慈悲。華幡以喻弘辯。瓶爐周遍。乃眾德畢具。樹臺間隔。乃理智互嚴。樹坐菩薩聲聞。臺作歌讚伎樂。此皆以明如來妙德。依不出正。故一一皆從日月淨明德所建立也。天台問：文無修羅。而下何言修羅等見其無臂耶(p. 695:7)?答：國中無實報修羅。權現容亦有之。」(X32,p.792a17-b2)亦可從他方來此會中，未可知也。

P. 690, L. 3【一箭道】《翻譯名義集》卷 3：「嘉祥云二里，或云取射堞一百五十步，或云百三十步，或云百二十步。」(T54,p.1107b22-23) 栖復《法華經玄贊要集》卷 34：「相去一箭道。如射堞遠近。一百二十步。計六百尺來(此為正)。嘉祥云二里。應非。」(X34,p.904b24-c2) 二里=1 公里，古以三百步為一里，後亦

有以三百六十步為一里者，今以一百五十丈為一里。用為[市里]的簡稱，二市里合一公里。若是 600 尺=600*0.0003=0.18 公里=180 公尺~《漢語大詞典》、《國語辭典》

P. 690, L. 6【一切眾生喜見菩薩】《法華經授手》卷 9：「藥王往劫受此妙法薰心。而致德潤其身。故為一切眾生之所喜見。所以說此經者。其聲清雅。令人樂聞。持此經者。其相端嚴。令人樂見。古佛為大會說法華經。乃喜見為之當機也。」(X32,p.792b7-10)

P. 690, L. -4【得現一切色身三昧】《法華經大成》卷 8：「一心求佛者。以精進苦行。專求佛道也。萬二千歲得三昧者。依根、塵十二處。圓融互照。以一實相融一切根塵。於一根塵現一切色法。交徹融攝。重重無盡。是名萬二千歲得一切色身三昧也。此三昧有三義：一者內現。如今經身根清淨。十界依正於身中現。如明鏡現像。二者外現。如妙音、觀音。隨機示現十界色身。三者內外現。如大集經觀於己身。眾生身、諸佛身悉於己身中現。又見己身、眾生身現佛身中。又見眾生身中。現己身、佛身也。」(X32,p.518a24-b9)楞嚴之「三漸次」：一者修習，除其助因。二者真修，剝其正性。三者增進，違其現業：流根奔塵即名現業。忘塵盡根即名為違。違現業故，根塵清淨、圓融，普現一切。

P. 691, L. 1【此岸栴檀】《法華經授手》卷 9：「此敘以神力供養也。前言得三昧。乃妙用初發之時。今言入三昧。正運用無礙之時也。於虛空中。雨華香供養。顯此供物不假外緣。於定中運用自然而有。補註云：海此岸者。妙高山海南岸。有旃檀香。此為最貴。六銖者。二十四銖為一兩。六銖只重二錢五分。乃四分之一也。」(X32,p.792c5-10)《法華經指掌疏》卷 6：「準正法念經云。妙高山南。海此岸。則此岸即南岸也。二十四株為一兩。六銖者。一兩中四分之一耳。價直娑婆者。顯是香中絕品。以此供佛者。為表恩大難酬。」(X33,p.666a9-12)

P. 691, L. 6【服香、飲香油】《法華經大成》卷 8：「神力所化。不過外財。財不及法。故復然身。作法供養。…身為道器。但色身不淨。欲作供養。須滌之令淨。故服六香。以表無上清淨之道器也。供養淨明德佛者。淨因淨果。因果一致也。六香即六度行。諸華香油。表微細小行也。千二百。表根塵十二處也。塗身表外淨。欲希淨德之果。必內外一如。廣行六度萬行。鎔鑄根塵。破色身之妄執。證法身之真常也。神通力願者。明不以世火。還依三昧智火。自然身者。表爍滅幻緣故。光明照等。表顯發真光。照明法界故。又正燒身時。若覺痛。同於凡夫。若不覺痛。同於木石。當燒之時。且道喜見菩薩。在甚麼處。」(X32,p.518b19-c7)菩薩理事互融，在不可思議觀境處、無我法執處。